


KA TUMELO, MOSHE

 Ke a go leboga, Ngwanešu Neville. Moso wo mobotse, setšhaba. Ke mo go botse go ba mo lehono ka tabarenekeleng. Gomme ke ile ka gopola gore mohlomongwe ge nka dira Ngwanešu Neville go bolela mosong wo, ke tla leka bošegong bjo. Gomme ka gona ke be ke lebeletše morago nako yeo go thuto ya sekolo sa Lamorena go moso woo. Gomme se . . . Morena ge a rata, re tla leka go—go ba le thuto ye ya sekolo sa Lamorena.

² Bjale, ebile dibeke tše pedi bjale, e ka ba, mola ke yago ka gare. Gomme ke be ke tšhogile bjalo ka ge le kwešišitše, gore, ka tšhemong, ke bile ka nnete, ka nnete go lapa gomme ka se kgone go ya kgolekgole. Gomme ka gona ke ile ka swanela go tla ka gare bakeng sa go no khutša gannyane. Gomme ke tšere e ka ba matšatši a mararo go theoga go ya Letamong la Wolf Creek, tlase ka Kentucky, moo ka go tswalwa gona. Ka gopola, “Oo, ke ikwa feela wa go makatša bjale. Ke gabotse.”

³ Gomme ka ya morago gae, gomme selo sa pele se sennyane se sa go kopana le nna ka sefahlegong e be e le mohuta wa ditaba tša mmušo ka motšhelo wa letseno. Ke ile ka ya tsela ka moka tlase gape. Ka fao ka lemoga gore e ya go tšea go feta feela beke goba tše pedi go nkhušiša godimo.

⁴ Gomme bodiredi bja ka bo be bo lokela go dira phetogo bjale. Gomme ga ke na le dikopano tše di beakantšwego. Gomme leo ke lebaka leo ke sa tšwago ka mokgwa wo mongwe go tla thoko, gomme ka gopola, gomme bjale dibeke di se kae tše di latelago, ke no tšea go khutša, go khutša ga go felela, le go letela go Morena.

⁵ Gomme ba bantši ba lena ba batho ka mo, bao e lego ba nako ya kgale, ba ba bego ba na le rena botelele, ba elelwa se Morena a se boletšego go rena, ka mehla O dirile se A boletšego gore O tla se dira.

⁶ Elelwang, ge ka go wona mathomo, ka kerekeng mo, mosong wo ra go bea leswika la tabarenekele, ka fao A . . . Go ngwadilwe, gomme go bewa ka gare leswika, godimo ga letlakala la go fofa la Beibele ya ka. Mosong woo, pono ye kgolo yela, gore, “Ye ga se tabarenekele ya gago.”

⁷ Ka re, “E kae, Morena?” Gomme O ile a mpea ntle ka fase ga legodimo. Gomme Lentšu la tla. Gomme ka lebelela gomme ka bona tšona difapano tše tharo, go swana le, mehlare le dienywa godimo ga yona, go ya pele. Le tseba se pono e lego sona. Se ngwadilwe ntle, lebaka la mengwaga.

⁸ Ke topetše godimo, letšatši le lengwe, puku ya kgale godimo kua, ka bala tše dingwe tša dilo tše Morena a di boletšego, a di

boletšegopele; di šetše di tlile go phethega. Ka baka la dilo tše tša baswa, le ka fao ntwā e tlilego go tla ntle, le ka moka dilo tše di iteilego.

⁹ Go šetše feela dilo tše pedi, ka go se setee sa diporofeto tše. Seo ke, sa dikoloi go ba tseleng ka taolo ya remouto, di lebega bjalo ka lee, o no ba o sa e otlele. E itaola ka boyona. Gomme ka gona fao go tla ba mosadi yo mogolo a tsogelago godimo, ka gore Amerika ke setšhaba sa mosadi. Gomme e tla . . . Mosadi yo mogolo o tla tsogela godimo, le go ba Mopresidente goba selo se sengwe sa go swana le seo, ka setšhabeng. Gomme ka gona fao go tla tla go fediša moka. Setšhaba sohle se tla swielelwa moka.

¹⁰ Gomme, gore, ke akanyetša pele . . . Bjale ga se Morena a bolelago se. (Tše dingwe, ka mosadi, ke, ke Morena.) Eupša ke ile ka akanyetša pele, ka 1933, gore lefase le tla kopana le go fedišwa moka pele ga '77.

¹¹ Ka fao, ke be ke sa tsebe nako yeo gore ba be ba na le selo se sengwe se se ka kgonago go le fediša go swana le ka fao ba nago naso bjale, eupša ke bone setšaba ka go phedišo moka, feela dikutu tša mehlare le dilo tša go swana le seo, di šetše.

¹² Ka fao, e tseleng ya yona. Gomme ge dilo tše dingwe tše di tlile tša phethagala feela ka fao A boletšego, go tla ba bjalo; gomme feela bjalo ka ge A boletše ka Lengwalong mo, se A se bolelago. Ge Kriste a tlile nakong ya pele, O tla tla nako ya bobedi. Gomme dilo ka moka tše A di boletšego di tla tla go phethega. Gomme ka nako go bona se, gomme le go tseba gore re . . . nomoro ya rena e kgauswi le go bitšwa, bjalo ka setšhaba, ka go tseba gore Kereke e kgauswi le go tšea Tlhatlogo ya Yona. Se ūthiša pelo ya modiredi, goba ya molatedi mang kapa mang, go tseba gore re ka letšatšing le le nako ye re phelago ka go lona. Ke nako ye kgolokgolo kudu yeo motho yo mongwe le yo mongwe a kilego a phela lefaseng, ke yona bjale; ke gore, ya Kereke. Ka fao, ka nnete ke kganyoga dithapelo tša lena.

¹³ Gomme ka gona ke bone ka tabarenkeleng, gomme ke bone gore ba bile . . . ba be ba eya go ba le dikgetho gape le se sengwe le se sengwe, ka kerekeng, tša a mangwe a lekgotla le go ya pele.

¹⁴ Gomme—gomme kereke e be e nyaka kopano ye nnyane, go hudua mo gonnyane. Gomme ka mehla le bile ba go loka go nna, le go ntšhegofatša. Gomme ka nna go ba mo, go bonala e bile tšhegofatšo go lena. Gomme ke na le nnete, go ba le lena, e bile tšhegofatšo go nna. Gomme ka mehla le amogetše se ke se boletšego go ba Therešo, bjalo ka ge ke e bone ka Modimo. Gomme ke—ke leboga seo.

¹⁵ Ka fao ka gona, ke thomile ka gare, gomme ke be ke swanetše go hwetša ntle, le go dira kereke ya rena go otlologela godimo, ka go makgotla a yona, gomme ka gona le ka dikgetho le go ya pele. Gomme ka gona—ka gona, ka gopola, ka morago ga seo, ke

ile ntle le go hwetša go khutša mo gonnyane pele ke eya morago tšhemong gape.

¹⁶ E bolokeng magareng ga lena beng. Bjale, ga se ya ba ka ntle. Ke ya tabarenekele ye. Re nyaka kopano le tabarenekele ye, gore selo se sengwe le se sengwe, le phošo ya nngwe le ye nngwe, ka moka dilo tše dingwe tše di bego di eya pele, gomme mohlomongwe maikwelo a mannyane go tšwa go yo motee go ya go yo mongwe; bao, ke ya go hwetša yo mongwe le yo mongwe yo motee wa bona le go ba tliša thwi sefahlego le sefahlego. Ka fao ge o sa nyake go lebana le yona, bokaonekaone o tloge nageng; ka gore o tla sefahlego le sefahlego le seripana se sengwe le se sengwe sa yona, go swana le ge re fele re dira mo tabarenekeleng. Gomme ka moka go go thellišetša ntle, ka baka la gore re banešu le dikgaetšedi ba ba ngwathilego selallo, Mmele wa Kriste, go kgabaganya tafola ya ditšhegofatšo. Gomme ga se selo eupša diabolo a ka dira eng kapa eng se se ka bago phošo, le go hlola maikwelo, goba a kgeilela godimo, goba eng kapa eng go swana le seo. Gomme ke tšea Ngwanešu wa rena Neville, gomme ra ya go tloga lefelong go ya lefelong, le go tliša batho go batho, mmogo, go fihla tabarenekele ya kgale e le morago, e hlomilwe gape, godimo ga maoto a yona, go yela mmogo Mmušo wa Modimo. Bjale, le ke, ke lebaka leo ke boletšego se, ke ka gore e na le sehlopha se sennyane sa rena beng mo mosong wo.

¹⁷ Gomme bjale ke ya go tšea go khutša mo gongwe, le go bowa morago ka pela ka fao ke kgonago. Ka gona ke letela go tloga go ya tšhemong gape. Gomme ye nako, Morena ge a rata, ke nyaka go tšea bonnyane bjo re bo kgobokeditšego bja tšhelete, le go ya pele, bja ka mong, ntle ka . . . lenaneo le la thomo ya ka ntle. Gomme ke ikhweletše tente ye mpsa, le sedirišwa se seswa, gomme ke thome ka tšhemong. E sego go tloga kerekeng go ya kerekeng, eupša go ya ka ntle go ya go dikopano tša rena beng.

¹⁸ Bjale, e sego go hlokomologa baena ba ba ntaleditšego, ye e makatšago. Eupša gabotse ka moka ga yona, o hwetša ntle dikhonferentshe tše, ba re o ya go ba fao, gomme ka gona ka moka bagwera ba gago ba tla ka gare, gomme ka gona fao go ba go nyakega ga tšhelete mo gohle. Go no gamolela batho bao ntle. Ke sa tšwa go thoma go hwetša seo ntle, le a bona. Ka fao seo—seo ga se gabotse. Re nyaka go ba le lefelo mo re ka ba tlišago. Ga la swanela go tliša tšhelete ya lena. E nong go tla mmogo, ka bolena, gomme—gomme le direle Morena. Le a bona? Gomme ka fao bjale . . .

¹⁹ Gomme bodiredi bja ka bo tšere phetogo thwi bjale. Le a elelwa ge ke be ke fela ke tšea go swara seatla sa motho, le go no ema fao, gomme Morena o be a mpotša bjo e bego e le bothata bja bona. O rile, “Ka gona go tla tla go phethega, o tla tseba sephiri sa pelo ya motho.” Yo mongwe le yo mongwe yo motee wa lena a o tseba seo se diregile feela ka go phethagala ka tsela ye Le boletšego. Bjale le ke legato le le latelago, leo le profilitwego le

go bolellwa pele, leo le yago go ba kgole bokagodimo ga lefe kapa lefe la Lona, le a bona. Gomme le thwi bjale ka phetogong.

²⁰ Gomme leo ke lebaka le Sathane a ntwantšhago ka motšhelo wa letseno, o leka go mpošša, mmušo, gore ke o kolotago motšhelo wa letseno go pene ye nngwe le ye nngwe ke e tšeelago godimo, bjalo ka modiredi, go tloga go mengwaga ye masomepedi šupa ya go feta, ge ke tsena ka go bodiredi. Ga go bjalo, ka gore e fetile go kgabola kereke mo.

²¹ Ke nna mohlakomela tšhelete wa kereke ye. Yeo ke therešo tlwa. E godimo ga direkote mo. Ka fao, ka gona, ge ke le moswara ditšhelete ramatlotlo wa kereke ye, gona ga go selo lefaseng. . . Mmušo ga o na le selo go dira ka yona. Ga ba botšiše kereke. Ba botšiša nna ke lego ramatlotlo wa kereke. Gomme bahlokomela tšhelete ba saenne pampiri ye e lego ka pankeng godimo, gore ka moka ditšhelete tša ka. . . Go na le go ba le motheo wa ka mong, ke di fetiša go kgabola kereke mo, ka gore ka go itiragalla ke motheo, go le bjalo.

²² Gomme go dira seo, go nthuša go tšwa go go tšhaba go tšwa go kereke le go e tlogela, le go ya godimo ka ntle le go ba lefeela mo. Ka morago ga ge ke tshepišitše batho gore ke tla boela kerekeng, nako ka morago ga nako, le go ba thuša. Ke ka baka leo ke e swerego ka mokgwa woo, ka gore ke dirile tshepišo go lena batho. Ke ka baka le ke dulago le yona ka tsela yeo, go na le go ba le motho ka motho. Ka gona, ge o dira seo, e e lahlela go mokgatlo. Gomme ke kgahlanong le mokgatlo ntle le go šišinyega. Ka fao ke—ke e boloka feela ka tsela ye e lego, ka diatleng tša Modimo, gore re kgone go sepelela pele bakeng sa Mmušo wa Modimo.

²³ Bjale, mosong wo, re nyaka go ithuta Lentšu le la kgale la go šegofala, le go dumela.

²⁴ Bjale, ke nyaka go bolela, gape. . . Ke bona Ngwanešu Egan le ba bantši, ba bangwe ba bahlokamedi ba tšhelete ba dutšego mo, ka morago ga ge re bile le kopano ya rena ya bahlokamedi ba tšhelete, bošego bjo bongwe; ke therešo, molaleng pele ga kereke ke, gore yo mongwe le yo mongwe yo motee wa lena ka moka ga a sa le gapegape ba—bahlokamedi ba tšhelete ba ba beilwego. Le bahlokamedi ba tšhelete ba ba kgethilwego, gomme leina la gago le godimo ga dipuku. Ka moka gabotse.

²⁵ Gomme bjale ba ya go ba le dikgetho tše dingwe gape tša—tša matikone, le go ya pele. Gomme Ngwanešu Neville o, tla be a bitša bao ka pela ka morago ga tirelo ye, ka moka gabotse, le tša ramatlotlo le go ya pele, ge re bea kereke godimo. Le a hwetša, ka moka mabokamorago, go ba komana, ka gona re ka ba le tsošeletšo ge e etla godimo.

²⁶ Bjale, feela pele re boela morago go matlakala mo, bakeng sa thuto ya rena ya sekolo sa Lamorena, go Lentšu le legolo le la Modimo yo a phelago, a re nong go inamiša dihlogo tša rena,

dinakwana di se kae, ge re bolela le Mongwadi wa Puku ye. Gomme bjale beela thoko mogopolo wo mongwe le wo mongwe, se sengwe le se sengwe se lego kgahlonong, go go thibela go ba le tšhegofatšo.

A re rapeleng.

27 Yo mokgethwa kudukudu le go loka Modimo, ka Bogoneng bja Gago bja go šegofatšega bja go hlomphega re a tla bjale, re gafela go Wena maphelo a rena, le tša rena—tša rena disoulo, le mebele ya rena, le ditirelo tša rena, le ditalente tša rena. Gomme ka moka tše re nago le tšona, re di neela go Wena. Gomme ge O lebeletše godimo ga rena, Morena, ge fao go le sebe se ponoka gomme se se sa ipolelwa, re tla Go kgopela, O Morena Modimo, gore O tla diriša Madi a Morwa wa Gago, Jesu, go lefelo le le bjalo. Ka gore, ka go lemoga gore rena ka go rena beng ga se ra lekanela, gomme fao go na le go se kgonege go rena go ka be ra ipaballa ka borena. Eupša re itshamile ka go felela godimo ga Madi a Gagwe a bohlokwa, le mogau wa Gagwe go o šomiša go legato la rena, gore rena badiredi ba go hloka maswanedi re ka kgona go tla ka sebete letšatši le lengwe ka Bogoneng bja Gago, go tliša pele ga rena Madi a a Morena Jesu. Ao, Wena, ka dinakong tša go feta, o a lemogilego go ba Madi a Morwa motswalwanoši wa Gago, gomme wa dira tshepišo, gore, “Ka Yena, ge re ipolela dibe tša rena, re tla lokafatšwa ka mogau wa Gagwe.”

28 Gomme bjale re tla kgopela, Morena, gore O tla re le balela phošo ye nngwe le ye nngwe, sebe se sengwe le se sengwe sa go senya le go tlogela, go aroga, gore ge mogopolo wo mongwe le wo mongwe wo mobe o hlabile soulo tša rena, ka mesebe ye e fišago ya diabololo, gore O tla rakela kgole lenaba le lebe le la Gago, le la batho ba Gago.

29 Gomme re tla kgopela gore O tla romela Moya wo Mokgethwa go tšea go swara Lentšu ka nako ye, ge re ineela ka borena bjalo ka di dirišwa, gore O tla bolela ka rena, le go kwa ka rena, Lentšu la Gago. Gomme a nke le rena ka go le lengwe re Le amogele bjalo ka ge le etšwa Wena, gomme re tloge lefelong le, lehono, re ikwela gore re ile ra beakanywa gape go morero wa Kriste; gore ka bokaonekaone re ka swanela tirelo bošegong bjo le bosasa, ka baka la ketelo ya Moya wo Mokgethwa.

30 Šegofatša baena ba rena mo gohle, dikereke go kgabaganya lefase, ba ba swerego pele Lentšu la Bophelo ka go letšatši le lebe le. Re ikwela gore fao ga go nako ye ntši ye e šetšego go šoma, ka gore bošego bo tla ka pela. Maru a ntwana a phaphametše gape. Bobe bo kgauswi, gomme re a rapela gore O tla re fa mošomo go feta pele. Khutšiša mebele ya rena ya go lapa, Morena, gomme re romele morago ka ntweng. Ka gore re e kgopela Leineng la Morena Jesu, le ka baka la Gagwe re a rapela. Amene.

31 Ge re bula, mosong wo, Beibele, go ya—ya 11 tema ya Puku ya Baheberu.

32 Laboraro bošego re be re bolela ka ya 7 tema ya Puku ya Baheberu, ka “Melekitsedeke, a se na le tate, gomme a se na le mme, a se na le mathomo a matšatši, goba mafelelo a bophelo.”

33 Gomme ka gopola, mohlomongwe, mosong wo, go tla ba maleba go bula gape Puku ye ya go makatša, ka gore re na le mabokamorago go se re nyakago go se bolela, ka go dipalo tša pele. Gomme go tshela godimo ga ya 10 tema, le ya 9 tema, e lego melao ya sehlabelo, re tla tla ka go lefelo la “tumelo.” Gomme mo ka Pukung ya Baheberu, ya 11 tema, gomme go thoma go ya 23 temana, re E bala ka mokgwa wo:

Ka tumelo Moshe, ge a tswetšwe, o ile a fihlwa dikgwedi tše tharo ke batswadi ba gagwe, ka gore ba bone gore o be a le ngwana wa maleba; gomme ba be ba sa boife molao wa kgoši.

Ka tumelo Moshe, ge a tlike go ba wa mengwaga, a gana go bitšwa morwa wa morwedi wa Farao;

A kgetha go tlaišega ka tlaišego le batho ba Modimo, go feta go ipshina ka mathabo a sebe lebakana;

A sema go gobošwa ga Kriste mahumo a magologolo go feta mahumo a Egepeta: . . . gomme a lebeletše go moputso.

Ka tumelo o tlogetše Egepeta, a se boife bogale bja kgoši: ka gore O ile a kgotlelela, mo o ka rego o bona yena yo a sa bonagalego.

34 Ke nyaka go tšea thuto, mosong wo, “go kgetha ka tumelo.” Gomme ke nyaka go tšea hlogotaba, mantšu a mararo a mathomo a ya 23 tema, “*Ka Tumelo, Moshe.*” Gomme, “go kgetha ka tumelo,” gantšintši kudu se sengwe le se sengwe se re se dirago, re swanetše go kgetha ka tumelo. Gomme ka moka tše re di hwetšago tše Moshe a di dirilego, tše di swanelwago ke go bušeletšwa, e bile ka tumelo; e sego ka pono, eupša ka tumelo.

35 Gomme lebaka le ke hlaotšego ye mosong wo, ke gore kereke ka nageng ye, e bile gore ka go ya rena . . . le dikolo tša rena, le tikologong, re bile le go ruta ga saentshe kudu. Ka baka la se, re gogile batho go tloga go tumelo. Bjale, tumelo ga e kgonthiše ka saentshe. Tumelo ke seo saentshe e sa se bonego. Gomme re . . . Ge re kile ra loba tumelo ye kgolo ye, gona ka go felela re ka leswiswing, ke . . . ga go tshwenye gore re rutegile bjang, re ka kgona go hlatholla Lentšu la Modimo bjang, go swanela tsela ya rena beng ya go dumela.

36 Fao ga go tsela ya go thabiša Modimo, feela ka tumelo. Lengwalo ka go ba molaleng le e bolela ka tsela yeo, gomme ke ka tumelo. “Gomme ntle le tumelo,” go bolela Lengwalo, “ga go kgonege go kgahla Modimo.”

37 Ka fao, ge tumelo e sa dumelelane le saentshe, gomme saentshe e sa dumelelane le tumelo, seo se di bea ka—ka mafelelong sengwe go se sengwe, gona re swanetše go tšea kgetho bjalo ka ge Moshe a dirile. Ka tumelo re a dumela!

38 Bjale, ge re loba tumelo, gona re ka se tsoge ra hwetša thapelo e arabilwe ke Modimo. “Ka gore yo a tlogo go Modimo sa pele o swanetše go dumela gore O gona, le moputsi wa bao ba Mo nyakago ka phišego.” Ka fao, ge re lahlegelwa ke tumelo, dithapelo tša rena di a fedišwa; ga re ye felo.

39 Ka fao ke ka moka se re ka kgonago go se nagana, mosong wo, ke go swarelela tumelong. Ka gona, ge re loba ke tumelo, ka moka dikholofelo tša rena di ile. Gomme ge re loba ke tumelo, ka moka nnete ya rena ya semoya e ile. Ka gore, o ka se kgone go ba le tumelo ka go dilo tše o sa kgonego go di bona, ka gore dilo tše o kgonago go di bona ka moka di a senyega.

40 Ge re lebelela motho yo mogolo, modiredi yo mogolo, goba phuthego ye kgolo, ka moka ba tla senyega, letšatši le lengwe. Gomme ge re lebelela setšhaba se segolo, goba sebetša se segolo, ka moka di tla senyega, letšatši le lengwe. Gomme ka gona re swanetše go phela ka tumelo, ya dilo tše saentshe e sa di bolelago. Ke ka tumelo ge re dumela.

41 Bjale, re loba letago la rena ge re loba tumelo. Bjale, ge re tloga go tšwa go tumelo, gona re tšeela kereke ka go leemo la bohlale.

42 Gomme dinako tše ntši, go be go gopolwa, magareng ga batho, gore ka baka la gore phuthego e be e le ye kgolo, gomme ba be ba na le dikereke tše kgolo, ditora tše kgolo, le tše kgolo, batho ba bantši ba go apara gabotse le go phošonkwa, le ditšhelete tše ntši, gore ba kgone go fihlelela selo se sebjalo, rena, dinako tše ntši, re be re gopola gore e be e le tšhušumetšo, gore kereke ye e itšego ye e swanetše go ba e šušumeditšwe. Goba, re fele ka mehla re bolela badiredi ba go fapana ba ba yago ntle tšhemong le go ba le dikgobokano tše kgolo le mašaba, gomme re a nagana, dinako tše dingwe, gore ke maswao a tšhušumetšo. Eupša yeo ga se ka moka therešo. Ke tšhušumetšo ya motho.

43 Eupša tšhušumetšo ya nnete e tla ka go dira thato ya Modimo. Le a bona? Ge eba ke ye tee, goba e noba go tlala seatla. Ge eba ke kereke ye kgolo, goba kereke ye nnyane, ga e tshwenye. Ge eba ke yo mogolo, seboledi sa sethakga, goba feela monna yo a sa tsebego ABC wa gagwe, ga e tshwenye. Go ya ka molaetša wo a o tlišago, ge eba o šušumeditšwe ke Lentšu la Modimo, goba, o šušumeditšwe ke dikgopolo tša bohlale bja tšhušumetšo ya motho?

44 Batho ba bangwe ba ka kgona go šušumetšwa ke seboledi sa sethakga. Seo ga se e dire gore e loke. Dinako tše dingwe ba a šušumetšwa ka baka la gore monna o hlahlilwe kudu go fihla a

kgona go bea ntlha ya gagwe godimo. Seo ga se re gore ke ya Modimo. Le a bona?

45 Ke feela ka la Modimo la ka gosafelego, Lentšu la go šegofala la ka Gosafelego, re ka kgona go amogela tšhušumetšo, gomme yeo e filwego ke Moya wo Mokgethwa. Ka tumelo re a e amogela.

46 Bjale re ka nagana Moshe, le nako ye kgolo ye ya bophelo bja gagwe. Gomme re bala morago, ka matswalo a gagwe, ka fao Modimo a go mo hlokomela ka gona, eupša fao go tlile nako ka bophelong bja Moshe moo go ilego gwa swanela ke go ba nako ya kgetho. Ge re bala gabotse, re hwetša ntle gore o be a le morwa wa morwedi wa Farao, gomme o be a le mojabohwa wa terone, gomme nkabe a bile farao yo a latelago ka Egepete. Ka fao o be a etše hloko ge a be a lebeletše tikologong, ka morago ga ge a tlile a ba yo mogolo le go ba wa boikarabelo, gomme fao go be go le makgoba ao a bego a šoma ntle ka meleteng ya leraga. Gomme Moshe, ge a be a lebelela ka mafasetere a paleisi, godimo ga makgoba a go swana ao Farao a bego a lebeletše go wona, eupša a phapano ye e bego e le fao ka tebelelong.

47 Ke nyaka go thekga kgopolo yeo, mosong wo, metsotso e se mekae, gomme a nke Modimo wa Legodimo a e gapele gae go pelo ye nngwe le ye nngwe mo. Ke ka mokgwa wo o lebelelago eng kapa eng, wo o dirago phapano.

48 Moebangedi yo mogolo, John Sprawl, yo e bego e le mosokologi wa bodiredi bja Ngwanešu Bosworth, yoo ba bantši ba lena le mo elerwago mengwaga ya go feta, wa Old Glory Barn. O rile, letšatši le letee o be a tšea leeto, pele ga go hlokošana ga mogwera moratwa wa gagwe le mosadi. Ba be ba le ka La Salle, Lorraine, France. Gomme ke bile le monyetla wa go etela lefelo le le swanago. Gomme mohlahlhi o be a ba tšea ntle go kgabola mašemo, le go ba laetša dilo tša go fapana. Gomme ba ile ba tla go sehlwaseeme se se itšego sa Morena Jesu, go bapolwa. Gomme Mna. Sprawl o be a eme kgojana, a se lebeletše, yena le mosadi wa gagwe, gomme, ka dipelong tša bona, ba be ba swaswalatša se rabokgabo a ka bego a be a na le sona ka monaganong, goba mmetli, ke ra gore, ge a matlotše go tšwa leswikeng, selo sa go lebeaga go šiiša go ka emela go tlaišega le lerato le kwelobohloko ya Morena Jesu, ka fao ka moka se bego se lebeaga se remetšwe godimo le go se betlege. Gomme mohlahlhi o tlile go Mna. Sprawl, gomme a re, “Mohlomphegi, ke nagana gore o swaswalatša sehlwaseeme se sa Morena Jesu.”

Gomme a re, “Ke a dira.”

49 Gomme a re, “Ga ke tlabege le ga nnyane, ka gore batho ba bantšintši kudu bao ba se lebeletšego, la mathomo, ba se swaswaladitše.”

50 Gomme Mna. Sprawl a re, “Ka baka la eng, ga ke kgone go bona kwelobohloko ye e itšego goba tšhušumetšo ye e itšego go

tšwa go lebeleleng selo se sebjalo, ka fao ke a makala gore ka baka la eng mmetli a ile a se dira ka mokgwa wo.”

51 “Gomme mmetli . . .” A re, “Mna. Sprawl, sehlwaseeme se ka moka se gabotse, gomme mmetli o bile le selo sa go nepagala ka monaganong wa gagwe. Eupša mo bothata bo lego, bo na le wena. Ke ka tsela ye o se lebeletšego.” Gomme a tšea yena le mosadi wa gagwe ka seatla, gomme a ba etella pele go ya tlase aletareng maotong a sefapano se se boletšwego. Gomme a re, “Bjale, Mna. Sprawl, lebelela godimo bjale.” Gomme ge a lebelela godimo, o rile pelo ya gagwe e ile ya nyaka go mo feila. E be e le phapano bjang, go ema kgole kua le go se lebelela ka tsela yeo, le go ya fase le go se lebelela ka tsela ye se bego se diretšwe go lebelelwa ka yona.

52 Gomme yeo ke ka tsela ye Modimo a lego. Yeo ke tsela ye tumelo e lego. Ke tsela ye o e lebelelago. Ge o e lebelela ka mokgwa wo o itšego wa Beibele ya histori, goba selo se sengwe seo se bego se le ka matšatšing ao a fetilego, o ka se tsoge wa kgona go hwetša bohlokwa bja Beibele. O swanetše go ya matolong a gago, le go obamela melao ya Beibele ye, le go E lebelela ka mahlo a Moya wo Mokgethwa.

53 Ke tla botšiša batheeletši ba, mosong wo. Ke botse bofe Modimo wa histori a bo dirago go rena lehono ge A se Modimo wa go swana? Ke botse bofe Modimo, yo a ka tšeago Moshe gomme a dira mehlolo ka yena ye a e dirilego, ke botse bofe e tla re dirago sona go bala ka Modimo yo mobjalo ge A se yo a swanago yo Motee lehono? Ke botse bofe Modimo yo a kgonneggo go phološa go tšwa leubeng la mollo, bana ba Baheberu, ge A se Modimo yo a swanago lehono? Ke botse bofe Modimo yo a ahlolago gare ga go nepagala le phošo, ka letšatšing le le fetilego, gomme a otla phošo a šegofatša go loka, ge A se Modimo wa go swana lehono? Re ela eng kerekeng? Ka baka la eng re tlogela dilo tša lefase, ge A se Modimo wa go swana wa kahlolo ya go swana, le mogopolo wa go swana go ka mehla A bego a le yena? Ke botse bofe bo bego bo ka ba bjona go Modimo yo a kgonneggo go kgwatha seatla sa mosadi le letadi la godimo, gomme letadi la ema, ge A se Modimo wa go swana lehono? Ke botse bofe e ka bago bjona go direla Modimo yo a kgonneggo go bitša mogwera wa Gagwe go tšwa lebitleng, ka morago ga go hwa matšatši a mane, ge A se Modimo wa go swana lehono?

54 Ka tumelo re a dumela gore letšatši le lengwe la letago O tla re bitša go tšwa lefaseng, le ge re ka ba molora wa go tlala lehwana gape. Re e netefatša bjang? Ga re e netefatše. Re a e dumela. Ga re kgopelwe go netefatša eng kapa eng. Re kgopelwa go e dumela.

55 Ka tumelo Moshe o dirile *se-le-se*. Gomme ge Moshe, bjalo ka monna yo moswa, o ile a lebelela go kgabola lefasetere la paleisi,

go makgoba, a bona sehlopha sa go swana sa go hloka kgaugelo, sa ditšhila, a go tlala morwele makgoba ao Farao a bego a a bona.

⁵⁶ Gomme ge Farao a lebelela godimo ga bona, le Baegepeta, e be e se selo eupša sehlopha sa makgoba. Seo ka moka ke se ba bego ba se loketše; go no ba batho ba maduba leraga, go dira ditena tša leraga go hola ditoropokgolo tšeo Farao a bego a di aga. Yeo ke tsela ye Baegepeta le Farao ba bego ba lebelela makgoba.

⁵⁷ Eupša Moshe, ge a ba lebelela, e be e le tebelelo ya go fapana Moshe a bego a na le yona. Ge a bona, a feta kgauswi le lefasetere, melete ye megolo go sefahlego sa bona, megokgo ye e bego e kitima go theoga marama a bona, le mebele ya bona ya go kobega, o ile a lebelela godimo ga bona bjalo ka batho ba Modimo. Ga se a lebelela godimo ga bona bjalo ka makgoba. O lebeletše godimo ga bona bjalo ka batho ba ba kgethilwego ba Modimo.

⁵⁸ Gomme, oo, ge ke eya go dikologa, go tloga nageng go ya nageng, le go tloga setšhabeng go ya setšhabeng, ke rera! Ge e sa le ke tlogela mejako ya tabarenekele ye nnyane ye, ke lefelo la mohlakanelwa la dikereke tša maina, go se molao eupša lerato, go se puku eupša Beibele, le bile go se thutotumelo eupša Kriste, ke lekile go lebelela godimo ga bana ba Modimo, le godimo ga ba baganwa, bjalo ka go ba batho ba ba kgethilwego le go hlaolwa ba Modimo. Ga ke ba botšiše ge eba ke ba Tabarenekele ya Branham. Ga ke ba botšiše ge eba ke Mamethodist, goba ge eba ke Mapresbyterian, goba ge eba ke Mapentecostal, goba Manazarene, goba Mapilgrim Holiness. Ke no nyaka go lebelela godimo ga bona bjalo ka batho ba Modimo. Gomme ka go bona ditiro tša bona le go dira ga bona, gore ke bahlanka ba Morena Modimo. Gomme pelo ya ka e kganyoga kopanelo le bona, go sa tshwenye leswao le ba nago nalo. Ke no hlologela kopanelo ya bona. Ke a ba rata ka gore ke a tseba ke batho ba Modimo.

⁵⁹ Ge ke bona mosadi a etla go theoga seterata, ka sekete se setelele, gomme moriri wa gagwe ka go hlweka o le morago, le—le roko ya go lebege go hlomphega godimo; gomme ke bona mohumagadi yo mongwe yo moswa, mohlomongwe wa mengwaga go lekana, ka para ye nnyane ya dišothi godimo; a ka no ba, ka ditebelelo, e le yo mobotse gabedi go na le go mosadi ka moriri wo motelele, go ya ka tebelelo ya lefase, eupša ke tla tšea lehlakore la ka le mosetsana yo a aperego bjalo ka Mokriste. Le ge ba tla be ba mo sega, le go mmitša lehlanya, go le bjalo, ke tla tšea lehlakore la ka. A ka no se be yo mobotse bjalo ka mosetsana yo mongwe, ka sebopego, eupša o bona selo se sengwe. Ka tumelo o bona Yena Yo a sa bonalego, Yo a hlahlago bophelo bja gagwe.

⁶⁰ Ge ke bona monna mošomong, a bitšwa “letikone,” goba “moreri,” goba “lehlanya,” ka gore o gana go kgoga, le go nwa bjala, le go ya go ditantsha, go swana le bohle ba bona,

gomme o bitšwa “lehlanya,” pelo ya ka e ya ntle go yena. Ke ngwanešu, tlase ka mobung wo wa Egepeta, seo se dira dipelo tša rena go hlologela go mo gokarela le gore, “Ngwanešu, re baeng le basetsebj, ba lefase le, gomme ke hlologela go kopanela le wena.”

Moshe o ile a swanela go dira kgetho, go kgetha ka tumelo.

⁶¹ Ke ba bakae banna ba baswa ba ka bego ba tabogetše sebakabotse go ba morwa wa morwedi wa Farao! Ke ba bakae banna ba baswa ba ka bego ba tabogetše sebakabotse se Moshe a bilego naso, go ipshina ka ka moka mathabo le matsaka a lefase, go ba kgoši ya Egepeta, go ba le lefase lohle maotong a gagwe! “A selo sa botlaela,” gore banna ba baswa ba letšatši ba swanetše go be ba se gopotše, “ge Moshe a kgethile go tšea lefelo la gagwe le batlaišwa le ba go tlhaka batho ba Modimo.”

⁶² Ka baka la eng a e dirile? Ka tumelo, ge a phagamišetša mahlo a gagwe godimo, o ile a lebelela bokagodimo ga phadimo ya lefase le. O lebeletše bokagodimo ga mathabo a sebe. Gomme Beibele e boletše gore o kgotleletše ge a bona Yena Yo a bego a sa bonagale, ka tumelo, gomme o ile a dira kgetho go direla Modimo yoo go sa kgathale gore go diregile eng.

⁶³ Ga se ya fetoga. Ba bantši ba rena ba ka kgona go ya go wo re o bitšago moago wo mokaonekaone. Re be re ka kgona go ipshina, mohlomongwe, kopanelo le mathabo a go dula ka go bophagamo bjo bokaoene. Re be re ka kgona go tsebalega kudu, go nwa le go kgoga, le go apara le go dira bjalo ka lefase. Eupša molato ke eng? O phagamišeditše mahlo a gago godimo, gomme ka tumelo o bona Yena Yo a sa bonagalego, gomme o tšere go ema ga gago le ba ba gannwego gomme ba bitšwa bapshikologi bakgethwa ba letšatši le. Ka gore ka tumelo re bona Yena Yo a sa bonagalego, ra kgetha go tšaišegela ditlaišo le go tšaišega.

⁶⁴ Nka se ke ka bolela go batho gore ba swanetše go kgetha go tšaišwa. Ga ke re le kgethe go tšaišega. E ka se be selo sa batho go dira. Eupša ge go tšaišega go robetše ka tseleng ya mošomo, gona a re go tšeing ge go etla. Ga ke nyake gore le dire selo se sengwe gore yo mongwe a dire metlae ka lena. Nka se le nyake gore le bolele dilo tša go fapana, gore, “Ke nna . . . Ke nna wa kereke ye e sa dumelego ka go *se-le-se*, ka go sa lefase,” le dilo tša go swana le seo, go no hwetša batho go dira metlae ka wena. O tliša seo go wena mong. Nka se ke ka re go wena o tšwele ntle mo le go tšwela pele gomme o dira se sengwe e bego e le se segolo. Nka se go nyake gore o dire seo, gore yo mongwe a bolele gore o a hlanya. O tliša seo godimo ga gago mong. Eupša ge se robetše ka tseleng ya gago ya mošomo go ya go Modimo, a lefase le bolele se ba nyakago go se bolela. O phela go ya pele.

O dira kgetho. Monna yo mongwe le yo mongwe le mosadi o swanetše go dira se.

65 Go ka reng ge Farao a kabe a kgonne go bona se Moshe a se bonego? O bone go tlaišega ga batho. O be a tseba gore poreisi ke eng go lefa. Eupša ka tumelo o ile a e kgetha, go na le go ba le mathabo a sebe.

66 Fao mohlomongwe ba bannyane, bahumagadi ba baswa ba dutše mo, bjalo ka basadi ba baswa ba go matsaka. Lefase le tla nyaka gore go wena, “Dira *bjalo-le-bjalo*. O yo mobotse. Mmele wa gago o kgolokegile ka bobotse kudu. O swanetše go laetša woo.”

67 Eupša, kgaetšedi wa ka, emišetša mahlo a gago godimo gomme o lebelele ka godimo ga seo, go Yena yo a rilego, “Ke makgapha go mosadi go apara seaparo se se swanago le sa monna.”

68 Ge banna ba batho ka setšhabeng sa geno, ge basadi ba o kopakopanago le bona, ba rile, “Ripa go tloša moriri wo motelele wo. Go tla folafodi. Go tla ba *se, sela*, goba se *sengwe*.” Goba, “E tla go dira yo mokaonekaone.” O se ke wa theetša seo!

69 O emišetša mahlo a gago godimo, gomme ka tumelo o bone Yena yo a rilego, “Moriri wa mosadi ke latago la gagwe, gomme a ka se ke a o ripa.”

70 Ge ba re, “E tla ba botsebalegi. O tla ema ka go bokaonekaone le mošomo wa gago, goba molaodi wa gago, ge o ka no tšea seno sa segwera. Ge o ka kgoga sekerete go swana le bohle basadi, o tla ema ka segwereng kudu ka boagišaneng bja gago.”

71 Ka tumelo emiša mahlo a gago gomme o lebelele go Yena Yo a rilego, “Tšhilafatša mmele wo, gomme Ke tla o senya.” Ka tumelo re dumela dilo tšeo. Ga se selo se o se bonago. Ke selo se o se dumelago. Ka tumelo, Moshe o dirile.

72 Gomme ka mosepelong wo wa tumelo, fao go tla nako fao go swanetšego go ba kgetho.

73 Loto o dirile phošo yeo ya go nyamiša ye re e dirago. Nako ye ntši re kgetha bakeng sa botse bja rena beng. Re kgetha dilo tše di tla bago kaonekaone.

74 Nako ye nngwe ge fao go le kgakgano ye nnyane e etla ka kerekeng, gomme yo mongwe o tla re, “Go lokile, letikone goba mosadi o ka lehlakoreng le.” O se ke wa lebelela seo. Lebelela go se e lego toko. Ntšhetša selo seo ntle gomme ba tliše bobedi mmogo. Seo ke semodimo.

75 Fao go na le go kgetha. Gomme re ikgethela ka borena. Re kgetha selo se sengwe se e lego se sebotse go rena beng.

76 Eupša Moshe o kgethile ditlaišego le go hlabišwa dihlong, gore a sepele le batho ba Modimo. Nagana ka yona bjale. E theeletše. “A kgetha ditlaišego tša batho ba Modimo, gomme a e bala go ba lehumo le legologolo, ka gore o ile a phegelela, a bona Yena Yo a sa bonalego.”

Bjale, Loto, nako e tee, o ile a swanelwa ke go dira kgetho.

⁷⁷ Gomme e ka no ba, mosong wo, gore fao go tla ba banna le basadi ba ba dutšego mo, ba le tlogo go dira kgetho ya lena ya mafelelo. O se o lego sona lehono, ka baka la gore mengwaga e sego mekae ya go feta o kgethile go ba se o lego sona bjale. Gomme se o se kgethago bjale se tla beakanya se o tlogo go ba sona mengwaga ye metlhano go tloga lehono. Mengwaga ye metlhano go tloga lehono o ka no ba moromiwa. Mengwaga ye metlhano go tloga lehono o ka no ba Mokriste wa go tsebalega.

⁷⁸ Goba, mengwaga ye metlhano go tloga lehono o ka no ba o le ka heleng, ka baka la gore o dirile sephetho sa go fošagala. Mengwaga ye metlhano go tloga lehono o ka no ba o hlwekiša ditshwelamare ka pareng. Mengwaga ye metlhano go tloga lehono o ka no ba o le seotswa seterateng.

⁷⁹ Goba, o ka no ba o le monna goba mosadi yo a—yo a lego yo mogolo go sosaeti se sengwe le se sengwe, ka baka la go kgetha ga gago Kriste. Mengwaga ye metlhano go tloga lehono o ka no ba o le ka Letagong, o ile ka Tlhatlogong, ka baka la gore o dirile kgetho ya gago lehono.

⁸⁰ Eupša o swanetše go kgetha. Gomme o se ke wa lebelela se o se bonago. Kgetha se o se bonago ka tumelo. Seo ke selo se nnoši se se tla bolelago, ke se o se kgethago ka tumelo.

⁸¹ Loto, ge a be a swanetše go dira kgetho. Abraham o fa Loto kgetho ya gagwe.

⁸² Gomme Modimo o go fa kgetho. “Kgetha letšatši le yo o tlogo go mo direla.” Ka tšhemong ya Edene fao go be go le sehlare sa—sa tsebo, le Sehlare wa Bophelo. Motho o be a filwe monyetla wa go kgetha se tee se a bego a se kganyoga. Gomme ka foa go bjalo lehono. O fiwa monyetla, bjalo ka moemedi wa kgetho ya maitshwaro, go kgetha eng kapa eng o nyakago go e kgatha.

⁸³ Keletšo ya ka go wena, ke, o se ke wa lebelela dilo tša sebjalebjae go go dikologa, le go tsebalega le matsaka ye o ka bago wona. Eupša kgetha, bokaone, ka tumelo, Yena yo a fago tshepišo gore letšatši le lengwe O tla tla gomme o tla lokiša diphošo ka moka, gomme o tla go fa Bophelo bjo Bosafelego, gomme a go tsošetša godimo. Ga go tshwenye ge eba o tšea tsela ya go nyatšwa le ba ba sego ba bakae ba Morena, dira kgetho yeo. Ge fao go le mathata ka seatleng, ge fao go le mathata ka nageng, ge fao go le mathata ka kerekeng, ge fao go le mathata ka gae, ga go tshwenye gore ke kae, dira kgetho ya gago, “Ka tumelo, ke tla direla Modimo. Ke tla kokobetša pelo ya ka Bogeneng bja Gagwe. Ke tla tšea tsela le bana ba Modimo. Ke ba bona ba nyatšwa le go ganwa, ba raketla ke ntle le go dirwa metlae, eupša ke tla fele ke tšere lefelo la ka la mošomo. Ke tla dula thwi kgauswi. Gomme ge ba lla, ke tla lla le bona. Gomme ge fao go le bohloko, ke tla ba bohloko le bona. Ka tsela ye ba phelago, ke tla phela.”

⁸⁴ Go swana le Naome o rile . . . Goba, Ruthe o rile go Naome, “Ditsela tša gago e tla ba ditsela tša ka. Ditsela tša ka e be ditsela tša gago. Mo o phelago, ke tla phela. Mo o yago, ke tla ya. Modimo yo o mo direlago e tla ba Modimo wa ka.” Tšea kgetho yeo, le ge e goga lona letlalo go tloga letswalong la gago, la go nagana gore ke wena yo mongwe. Intšhetše letlalo fase ka bowena gomme o tšee tsela ya gago le ba Morena bao ba sego bakae ba nyatšiwago, gomme dula o botega tšhemong ya tirelo le lefelong la mošomo.

⁸⁵ Loto o ile a lebelela go dikologa. A re, “Ke na le kgetho.” Gomme a lebelela thoko ya Sodoma. A bona mašemo a mabotse a bjang a be a le a makaonekaone go feta ao Abraham a go a bona, gomme ke moo Abraham a bego a le gona. A bona sebakabotse sa go fodiša mohlape wa gagwe, go ba le mohlape wa go nonanoni le wo mokaonekaone.

⁸⁶ Ke a holofela ga ke gobatše maikutlo a yo a itšego. Eupša bjoo e bile boemo bja bareri ba bantši kudu, go itšimeletša ka Ebangedi, ba nagana gore ba hwetša tšhelete ye ntši go tšwa go yona. [Ngwanešu Branham o phaphatha diatla tša gagwe dinako tša tharo—Mor.] Thekethe ya dijo! Bokaone ke phele ka nageng ya go se be le maamušo, ke je, ke nwe go tšwa lekaleng, ke je magogo, go feta go itšimeletša godimo ga phenyego ya tumelo ya ka Lentšung la Modimo yo a phelago. Ke tla tšea tsela ya ka.

⁸⁷ Ba bangwe ba bona ba rile, “Billy, molato ke eng ka kopano ya gago, ge fao go le Mapenetecostal a mantši kudu go yona.” Modiredi wa kereke ye kgolo ya leina o boletše seo.

Ke ile ka re, “A kereke ya gago e tla thekga kopano ya ka ka tšhelete?”

⁸⁸ E sego kgale go fetile, ka go kgatišobaka ya *Look*, ke a dumela, fao go bile athekele. Gomme mongwadi o boletše fao, a bolela ka batho ba Pentecostal. O rile, “Kereke ya Pentecostal ke kereke ye e golago ka lebelobelo kudu lefaseng lehono.” Ka baka la eng? Ke ka baka la gore banna le basadi ba phagamišeditše mahlo a bona godimo gomme ba lebeletše kgole go tloga.

⁸⁹ Gomme mongwadi gape o lebogiša batho ba Pentecostal. Oo, go le bjalo, o rile, “Fao go na le ba bangwe ba bona ba ba ilego ka go fetiša, le go ya pele. Eupša, Momethodist o rapela thutatumelo. Ba rapela Modimo ka thutatumelo. Mobaptist o dira selo se se swanago, le Mapresbyterian. Eupša Mopentecost o rapela ka Beibele ya gagwe.”

⁹⁰ Ka tumelo re bona tshepišo. Ke tla tšea bontši le bona, ga go tshwenye gore ba nyatšwa ga kae, ke sa le yo motee wa bona. Le ge ba ka dirwa metlae, le go ba le godimo le fase ga bona, bjalo ka ge Israele e dirile, nka se tsoge ka nyaka go ema le moporofeta wa maaka patogeng ya thaba, Biliama, le go leka go rogaka se Modimo a se šegofaditšego. Ka baka la gore, ka kampeng yela go na le Letlapa le le iteilwego, le Sehlabelo sa madi, le Pilara ya Mollo. Ga go tshwenye se ba lego ka gare ga

sona, e ba etella pele go ya go phenyo, gomme ba swanetše go tla go yona, ka baka la gore ke batho ba tshepišo ba ba sepelago ka tumelo. Le ge ba se kereke ya leina, e be e le baneneri tikologong, gomme go bjalo ka batho ba Modimo. Eupša ke nyaka go tšea tsela ya ka le bona, ke tšoenane le bona ka maemong a bona; e sego ka kerekeng ya bona ya leina, eupša ka kopanelong ya bona go dikologa diathekele tša Moya wa Modimo wa ka Gosafelego, woo, ka tumelo ke amogetše kolobetšo ya Moya wo Mokgethwa. Modimo nthuše gore ka mehla ke be le mokgwa woo.

91 Elang hloko. Ge ba eya pele, re hwetša gore Loto o bone sebakabotse sa wa—wa go nontšhwa mohlape. Ba bantši ba bona dibakabotse tša puku ya potla ya go nontšhwa. Ba bantši ba bona sebakabotse sa boemo bja leago se se kaonekaone. O bone dikgonagalo tša ditolaro di se kae go fetiša. O bone dikgonagalo tša go ba meyara wa toropokgolo. Ka go ba mosetsebje, le monna yo mobotse wa setswatswa, ka ge a be a le bjalo, “Mohlomongwe ke tla ba monna yo mogolo wa toropokgolo.” O bone kgonagalo ka baka la gore di be di robetše pele ga gagwe. Eupša o be a sa bone mollo wo o bego o swanetše go senya naga. Ga se ake a ipoelanya ka boyena, gore naga e be e tletše sebe, gomme Modimo o ile a swanelwa ke go senya.

92 Gomme, lehono, batho ba leka go ipoelanya ka bobona ka gore, “A le . . .?”

Ke tla re, “A o Mokriste?”

93 Ba re, “Ke nna Moamerika.” Seo ga se na le go dira le yona go feta go leka go botša legokobu gore le be le le segwegwe. Ga e na le selo go dira le yona. [Ngwanešu Branham o phapha diatla tša gagwe nako e tee—Mor.]

94 O ya go sengwa, ka gore Modimo ke wa toko. Gomme Amerika ge e ka feta ka sebe sa gagwe, wa toko wa go ikema, Modimo yo mokgethwa o tla tlangwa ke mošomo go—go tsoša Sodoma le Gomora gomme a kgopele tshwarelo go bona ge a ba tšhumile godimo, ka baka la sebe sa bona; ge A re lesa re feta ka sona.

95 Ge A go dumelela wa tsena Legodimong ka mediro ya gago ya go se loke, O tla swanelwa ke go tsoša Anania le Safira le go ba fa sebakabotse se sengwe. Ka nnete o tla dira. Eupša Ke wa toko. Anania o bone tšhelete ya gagwe. Petro o bone Kriste.

96 Oo, nna! Loto ga se a bona go senyega ga bana ba gagwe ka lefelong leo.

97 Ba bantši ba lena, lehono, ba swaretše go dikologa tše tša kgale tša go beakanywa dithutotumelo le dilo, ga le bone go seleka ga baswa le tshenyego ya bana ba lena. Ga o bone morwediago ka ntlong ya seotswa. Ga o bone morwago e le letagwa, goba tafoleng ya dikarata felotsoko.

⁹⁸ “Ka baka la gore o nošeditšwe gabotse.” Gomme sebe ga se kgwathiwe. Yena ga se ake a bona mosadi wa gagwe, hlogo ya ka moka disosaeti, o fetogile pilara ya letswai, ge a be a lebeletše. Yena ga se a mmona ge a phonyokga feela ka ntlhana ya meno a gagwe, go ya go toropokgolo ye nnyane felotsoko, bakeng sa bophelo bja gagwe. Yena ga se ake a bona seo, ka baka la gore o lebeletše feela se a se bonego ka pele ga gagwe.

⁹⁹ Eupša, Abraham, ga se ake a ela hloko naga ye e nošeditšwego gabotse, ka gore o ile a phagamišetša mahlo a gagwe godimo gomme a bona bosasa, ka gore o be a tla ba mojabohwa wa dilo ka moka. Mokriste wa nnete lehono o phagamišetša mahlo a gagwe godimo go bona tshepišo ya Kriste: “Bašegofatšwa ke ba boleta ka gore ba tla tšea dilo ka moka ya ba lefa la bona. Ba tla tšea lefase ya ba kabelo ya bona.” Mokriste wa nnete, ka tumelo, o lebelela godimo gomme a bona seo. Mmitše se o se nyakago. O phagamišeditše mahlo a gagwe godimo. Gomme ge a dirile seo, Modimo o rile, “Abraham sepela go kgabola naga, ka moka ke ya gago.” Ka tumelo, Abraham o dirile se; tumelo ye e swanago Moshe a bego a na le yona.

¹⁰⁰ E ngwadilwe ke mmegi yo motee, yo a boletšego se. Ke ile ka gopola gore e be e le mantšu a mabotsebotse kudu. Gore Abra- . . . “Moshe o tšere le le botsebotse kudu la lefase gomme a le bea ka gare ga sekala setee; gomme sa bja go befabefibefi bodumedi, gomme a bo bea ka gare ga se sengwe sekala; gomme bodumedi bja go befabefibefi bja feta lefase le le botsebotse kudu ka boima.”

¹⁰¹ Ka fao go bjalo lehono, gore ge re ka bitšwa eng kapa eng re nyakago go se bitšwa, “mahlanya,” goba “bafodiši ba Bakgethwa,” goba “bapshikologi ba bakgethwa,” goba eng kapa eng ba nyakago go e bitša. Go befabefibefi fao re lego gona go tla feta botsebotse kudu lefase le ka bo kgonago ka boima. Ba nyaka go bitšwa “fešene ya kgale, mogodi wa kgale, lehlanya.” E tla feta ka boima selo se sebotsebotse kudu se diabololo a ka go fago sona. Ka nnete kudukudu se tla dira.

¹⁰² Moshe o semile kgobogo ya Kriste. O bonetšepele Kriste. Moragorago o boletše mantšu a maatla a tšhušumetšo ka Yena. “Bonang, Morena Modimo wa lena o tla tsošetša godimo moporofeta wa go swana le nna.” O tsebile. O Mmonetšepele, gomme a sema kgobogo ya Gagwe mahumo a magologolo go feta ka moka matsaka ya lefase.

¹⁰³ Mogwera wa Mokriste, lehono, a o ka se kgone go dira seo? Gomme ka moka matsaka le go tsebagala ga lefase, ka tumelo, re bona Yena yo a tshepišitšego. Gomme ga go befabefibefi ga kereke lehono, le ka moka boemo bja gona, go le bjalo Go feta ka boima se sengwe le se sengwe diabololo a ka kgonago go go fa sona. Ge re kgeigile godimo, ge re thubegile diripana, ge re gakanegile le go thubega, ka go dikereke tša maina le bohlaya,

se tla feta ka boima eng kapa eng diabololo a ka kgonago go go fayona. Ka nnete.

¹⁰⁴ O ile a sema kgobogo ya Kriste go ba mahumo a magologolo go feta ka moka mahumo a Egepete. Ka gona o ile a swanelwa ke go dira selo se sengwe. O ile a tlogela Egepete. Oo, ke rata lentšu leo. O ile a tlogela Egepete. Le a bona, o be a lebeletše go kgabola lefasetere le le swanago, eupša o be a lebeletše go fapana go tšwa go Farao. Go ka reng ge Farao a be a ka kgonago bona bofelolo bja gagwe? Go ka reng ge Farao a ka be a bone setšhaba sa gagwe se nwelela? Moshe o se bone. Bjang? Ka seantshe? Ke tumelo, Moshe o se bone. Se sengwe le se sengwe se a se dirilego e be e le ka tumelo, ka gore Modimo o tshepišitše Abraham, tatagwe, gore O be a tla—O be a tla etela setšhaba se ka morago ga mengwaga ye makgolonne, gomme o be a tla ba ntšhetša ntle. Gomme ka tumelo, Moshe o dumetše Lentšu le Modimo a le boletšego, gomme o ile a tseba ka boyena, bjalo ka tumelo, go ba moetapele yo a kgethilwego go ba tliša ka ntle. O tsebile mo a bego a le gona. O tšere lefelo la gagwe ka meleteng ya leraga, bjalo ka seduba leraga, gomme a bala kgobogo ya Kriste go ba mahumo a magologolo go feta go dula godimo ga terone ya Egepete. O tšere . . . Ga se ake a re, “Ke e kwela bohloko.” O tšere lefelo la bona gomme a ya le bona! Letago go . . . O tšere lefelo la bona. Re ile le bona.

¹⁰⁵ Ga go makatše mongwadi wa go šušumetšwa o rile:

Ke tla tšea tsela le ba Morena ba ba nyaditšwego ba sego ba bakae.
Ke thomile ka gare le Jesu, bjale ke ya go kgabola.
Ke tseleng ya ka go ya nageng ya Kanana.
(Nnete.)

¹⁰⁶ Moshe. Go boletšwe ke yo motee gore Moshe o ile bokaone, ge a kabe a bile morwa wa Farao gomme a bile le matsaka a lefase, o ile bokaone a be morwa wa Abraham go na le go ba morwa wa Farao. Morwa wa Abraham, a nyatšiwane, go na le go ba morwa wa Farao, kgoši.

¹⁰⁷ Bokaone ke be morwa wa Morena Jesu, le mohlanka mmogo wa Gagwe, le go tšea lefelo la ka le batho ba ba gannwego ba lefase le, go na le go ba Mopresidente wa United States of Amerika ye kgolo, goba go bo Elvis Presley, goba Pat Boone, goba mang kapa mang o nyakago e dira. Ke tla tšea tsela ya ka.

¹⁰⁸ Bahumagadi ba baswa ba swanetše go tšea tsela ya bona. Go na le go ba ma—ma Maria Pickford, goba naletšana ya mobi ye e itšego, mosetsana yo mongwe wa matsaka, tšea tsela ya gago le ba ba sego nene ba go nyatšiwane ba Morena.

¹⁰⁹ Bokaone ke be moreri ka phuluphithing, ke rere mahumo a go se nyakišišege a Kriste, go na le go ba naletšana ya mobi ya Hollywood, goba motho yo mogologolo kudu lefaseng. Ge ke

swanetše ke go ja ka go se lekanele, go kgopela, goba eng kapa eng ke swanetšego go se dira, ke tla tšea tsela ya ka le batho ba Morena. Ka tumelo, ke dira seo. Ke filwe sebakabotse. Eupša, ka mogau wa Modimo, ke sa bona ka tumelo.

Ka tumelo re kgona go le bona kgojana;
Gomme Tatago rena o letetše godimo tseleng,
Go re lokišetša lefelo la go dula Kua.

¹¹⁰ Monna wa motšhelo wa letseno o rile, letšatši le lengwe, “Ka baka la eng o neela legae la gago go kereke yela? Ke eng se se go dirilego gore o fe legae la ditolara tše dikete tše masomepeditlhano go tabarenekele ye nnyane yela ya kgale ya go lebega ditšhila?”

¹¹¹ Ka re, “E be e se kereke ye ke e dirilego. Ke batho ba ba lego kua.” Ga ke na le selo sa diphahlo tša lefase le. Pene ye nngwe le ye nngwe ya tšhelete ke ilego ka e tšea e bušetšwa go kereke ye. Ka baka la eng? Tumelo ya ka e go Modimo, gomme e sego godimo ga dilo tša lefase le. Marato a ka a godimo. Gomme ke a dumela le a lena ka moka a a swana, ge o lokile le Modimo. Ke therešo, gore o ka mokgwa woo. Rena, ka tumelo, re a amogela. Rena, ka tumelo, re dumela Modimo.

¹¹² Moshe, o ile a swanelwa ke go dira kgetho. Gomme o ile a swanelwa ke go dira, ka morago ga go dira kgetho, o ile a swanelwa ke go lwa tumelo, ka gona, ka fao ga se ake a boifa bogale bja kgoši. Bjale, ka setho, o be a na le tokelo ya go boifa bogale. O be a na le tokelo ya go boifa bogale bja kgoši, eupša ga se ake a dira. Ga se ake a e dira, ka gore o be a na le mošomo go o dira, gomme o be a le mothalong wa mošomo. Gomme o be a sa kgathale se kgoši a se boletšego ka wona. O ile a tšea tsela ya Gagwe go no swana.

¹¹³ Bjale, Farao, ka nnete, ge a bona gore o fentšwe, o ile a nyaka go neela Moshe le bana. . . O rile, “Ka moka gabotse, ke tla go botša se ke tlogo go se dira. Le tla no dula ka moka ka nageng gomme la ya ka ntle le go direla Modimo wa lena sehlabelo.”

¹¹⁴ Yeo ke tsela ye diabololo a šomago ka yona. “Oo, o ka kgona go ba wa bodumedi. Ka baka la eng o sa ye godimo wa tšoenana kereke ye nngwe? Ga wa swanela go dira ka moka dilo tše.” Monna o rile go mosadi wa gagwe. . .

¹¹⁵ Mosadi o re, “Monna, ke phološitšwe. Ga go sa le diphontshe, goba ditlotšadipounama le dilo. Ga go sa le se. Ga go sa le diphathi. Ga go sa le dilo tše tša disosaete. Ke ka ntle ga sona! Ke tla bea nako ya ka go go baleng Lentšu, go hlokomela legae.”

¹¹⁶ “Bjale, lebelela, moratwa. O, o ka kgona go ba wa bodumedi, ka moka gabotse. Bjale, lebelela, o—o ya godimo *mo*. O hweditšše kereke ya go fošagala.”

¹¹⁷ Aowa, ga se wa dira. O ka go e tee ya therešo. Ge o na le moreri a ka rerago seo go wena, o swanetše go dula le yona.

Nyaka morago go kgabola Mongwalo gomme o hwetše ge seo e se therešo.

118 “Oo,” o rile, “eya godimo *mo*. Ga ba—ga ba swanela go dira seo godimo mo. Le a bona? Ga ba dire se godimo mo.” Yeo ke tsela. . . “E no ya bokgole bjo.” Eupša ga a nyake gore le tšwele ka ntle ga naga. Yeo ke tsela ye diabololo a dirago. Ga a nyake gore le tšwele ka ntle ga dilo tša lefase; e nong go tliša lefase ka gare le kereke.

119 Letšatši le lengwe, ke be ke etla go theoga tsela, ka bulela radio ya ka. Gomme fao go be go le ko—koša, gomme ka tšwela pele ke theeditše, gomme ke ile ka swanela go tšea, e nyakile, go ba koša go felela, pele ke kgona go bolela ge eba ka go felela e be e le koša ya bodumedi, goba diabololo o leka go tliša fase dilo tša Modimo go leemo la lefase. Le ka se kgone go dira seo! Modimo eba le kgaugelo!

120 Ga ke kgathale gore ke dialepamo tše kae Elvis Presley a di ngwalago, tša ka moka dikoša tše botse tša bodumedi. O sa swerwe ke diabololo. O romela bana ba bantši heleng, gomme ka moka mesepelo ye ke tsebago ka yona, go ka moka lefaseng ka letšatšing le. Pat Boone le bohle ba bona, o be a le wa kereke ya Kriste; gomme Elvis Presley, Mapentecostal; ke bo Judase Isikariote, ka sebopego sa banna bao. Diabololo o leka go tliša dilo tša godimo tša Modimo, gore ba kgone go di hlakanya fase *mo*. Batho ba ka se lebelele godimo ka Godimo, ga *Se*. Ba no lebelela *mo*, ba re, “Go lokile, ka moka go a swana.” Ga se sa go swana. Tšwelang ka ntle ga naga.

121 O rile, “Le ka no ya matšatši a se makae. Gomme le a ya, dulang ka nageng.” Nnete, o be a tseba gore ba be ba tla bowa morago. Gomme a hwetša gore seo ga se sa šoma, ka fao a gopola selo sa go fapana. O rile, “Ke tla le botša se le se dirago. Eyang pele ka ntle kae kapa kae le nyakago go ya, eupša le tlogela basadi ba lena ka moka, ka moka bana ba lena, le ka moka mohlape wa lena, morago *mo*. Le di tlogela mo, gomme le ya ka ntle.” Ka baka la gore, o be a tseba gore ba be ba na le dilo morago kua, tše di bogo di tla ba gokagokeletša morago.

122 Gomme seo ke se diabololo a se bolelago go wena. Ge feela o tlogela tše dingwe tša dilo tše tša lefase di lekeletše godimo ga gago, o sa nyaka go kgoga, o nyaka go nwa, o nyaka go apara go swana le lefase, seo ke botse bjo diabololo a bo nyakago.

123 Ke kwa ka go kgeloga. Ga ke dumele gore fao go go kgeloga mo gontši bjalo ka ge batho ba nagana gore go gona. Ba no tlogela diphahlo tše ntši kudu ka Egepete go ba gokagoketša morago, seo ke ka moka. Mabokgelogi ga se wona ba rego ke gona. Le tlogetše mo gontši ga lefase morago kua, mo go le gokagoketšago.

124 Ngwanešu, ke a go botša, ge Israele e lokela, gare ga bošego, ba be ba na le se sengwe le se sengwe ba bego ba na le sona ka lefaseng le, ba paketše gomme ba loketše go tloga.

125 Modimo re romele tsošetšo ya go swana le yeo. Re pakela godimo se sengwe le se sengwe, gomme re lokela go tloga. Sello sa bošegogare se a tla, “Eyang ka ntle go Mo gahlanetša.” Bokaonekaone le be le se sengwe le se sengwe se paketšwe godimo. Bokaonekaone le se ke la ba le selo, lefase le, le le gokagoketša morago, manti a a itšego go le swarela fase. Pakelang godimo. A re lokeleng. Re a sepela.

126 Gomme a le a tseba gore ke eng? Ke a le botša, ba be ba le therešo go Modimo, go fihla Farao a thantshelwa kudu gare ga bošego, o rile, “Tšwelang ka ntle! Tšwelang ka ntle, gomme tlogang. Tšeang se sengwe le se sengwe le nago naso, gomme le tloge!”

127 Ke a thaba gore monna o kgona go phela kgauswi kudu le Modimo, go fihla diabololo a sa tsebe se a ka se dirago ka yena. Yeo ke therešo. Tšwelang ka ntle! Tšwelang pele! Obamelang Modimo!

128 Ka tumelo, o bone tshepišo. Moduba leraga, goba go se be moduba leraga, o tšere tsela ya gagwe le ba ba sego nene ba go nyatšwa ba Morena. Farao o rile, “Tšea ka moka tše o nago natšo gomme o tšwele ka ntle ga mo! Ga ke tsebe gore ke dire eng ka wena.” O be a le wa therešo go Modimo, ka tumelo.

129 Tumelo e tla šoma mehlolo, ge o ka dula o le wa therešo go Modimo. Ka tumelo, re a Mmona.

Nako ya rena e fedile; go feta nako.

130 Eupša, ka tumelo, mosong wo, emišitša mahlo a gago godimo. O se ke wa bona se se lego tikologong ya gago, lefase le la sebjalebja, eupša lebelela gomme o bone Yena Yo a fago tshepišo. Beibele e rile, “Ga re bone dilo ka moka ka go phethagala bjale, eupša re bona Jesu.” Lena lebelelang Yena, mosong wo, gomme ditsela tša lena di tla fetolwa.

131 Ge re sa inamišetše dihlogo tša rena, lebakana feela, bakeng sa lentšu la thapelo. A nke Morena a oketše ditšhegofatšo tša Gagwe go Molaetša.

132 Nagana ka pelong ya gago bjale. A o be o lebeletše dilo tša lefase? Ka tumelo, a o bona Jesu? A o lebeletše botsebalegi bja gago, kereke ya gago? Seo boemo bja gago bja leago bo lego sona le lefase? Goba, a o bona Jesu Yo, ka kwelo bohloko, a beilego Seyena ka letsogong le letona la Kgoši Godimo, Yo a tlaišegilego bjalo ka mohwelatumelo, moloki bakeng sa ba ba sa lokago? A o ka se kgone go emišetša mahlo a gago godimo gomme wa bona Sehlare sela sa Bophelo ka kua? Ka gona, tlogela sehlare se sa saentshe le tsebo, gomme o Mo direle.

133 A o rata go elelwa ka thapelong pele ke rapela? Emiša seatla sa gago, bakeng sa kgopelo ye nngwe le ye nngwe o ka e nyakago. Modimo a go šegofatše. O bona ka moka seatla sa lena.

134 Ge o le modiradibe, emišetša mahlo a gago godimo gomme o lebelele bjale. Ge o be o se na le phapano, ge o be o na le dithulano le dilo tše nnyane, ke phapano efe e e dirago? O ya go hwa le letee la matšatši a. Letšatši le lefe? Mohlomongwe lehono! Ga o tsebe. Iri go tloga bjale, o ka no ba o le heleng, goba o ka no ba o le Legodimong. Eupša o swanetše go kgetha bjale. Ge fao go na le eng kapa eng ka bophelong bja gago e sego ya loka, kgetha bjale, ka tumelo.

135 O re, “Go lokile, ge nka kgona go no ya le mosadi gabotse! Ge nka kgona go no ya le monna gabotse!” Ga go tshwenye se ba se dirilego, kgetha Bophelo. Kgetha Bophelo.

136 Ka gore, Jesu o rile, “Ge go tšwa pelong o sa lebelele motho yo mongwe le yo mongwe dikarogo tša bona, le Tatago wa Legodimong ga a go lebelele.” Ka fao dira seo se tswalelwe. Ge go na le yo motee a swanetše ka pelong ya gago kgahlanong le motho yo a itšego, modiredi goba mokgethwa, o kotsing ya mollo wa hele.

137 Bjale emišetša leihlo la gago godimo. A o bona eng, lenaba la gago? Goba, a o bona Mophološi wa gago? A o lebeletše eng mosong wo?

138 Ge o babja, gomme ngaka ya gago e re o ka se be gabotse, emišetša leihlo la gago godimo, sefapanong, mo A gobaditšwego ka baka la dikarogo tša rena, ka megogoma ya Gagwe re fodišitšwe. O se ke wa lebelela se ngaka a se bolelago; o šoma ka saentshe. Tumelo e šoma ka tikologong ya Moya wa Modimo. A re naganeng ka dilo tše bjale ge le sa emišitše diatla tša lena. Modimo o a di bona.

A re rapeleng.

139 O Modimo wa ka Gosafelego, ka go homoleng ga thapelo ye bjale, ka morago ga ge Molaetša o ile pele, o se ke wa lesa dipeu tšeo tša Lentšu la Gago, Morena, go wela godimo ga mobu wa maswika. O se ke wa lesa Molaetša, Morena, go wela godimo ga metorofeiye, meetlwa, gore di tlhokomelo tša bophelo bjo (go swana le Loto) di se ke tša le kgama ntle, mafelelong, ya ba balahlwa. Eupša, O Modimo wa go šegofala, a le wele godimo ga ye mebotse, ya go nona mebu, godimo ga dipelo tše di sokologago. Gomme godimo ga ya ka, le nna, Morena, gore ka moka re tla lebelela ka digalase tša Modimo tša go lebelela, gomme ra bona Kereke ye e gannwego ya Morena Jesu, batho ba ba gannwego, tsela ye e gannwego, gomme a nke re sepele ka go tsela ye ya letago.

140 Bjalo ka Moshe, o be a sa tsebe mo a bego a eya gona. Batho ba be ba sa tsebe mo ba bego ba eya gona. Ba be ba sa tsebe tsela ye ba bego ba swanetše go ya ka yona. Ba ile ba no thoma.

¹⁴¹ Gomme, O Morena Modimo, ge pina ye botse ye e bapalwa, ka tumelo re kgona go bona Naga yela kgojana. A e no ba bjale, gore banna le basadi ka mo ba ka se nagane gore lefase le ya go reng, goba ba ya bjang. A nke ba tsoge ka moyeng wa bona, gomme ba ye.

¹⁴² Moshe o latetše Seetša, gomme Se mo eteletše pele go ya nageng ya tshepišo. Ka go se tsebe mo a bego a eya, eupša o ile a no sepela ka Seetšeng, go ya nageng yela e bego e le ye botsebotse go feta letšatši.

¹⁴³ Efa, Morena, lehono, gore ba bantši mo ba tla sepela ka Seetšeng sa Lengwalo le ka kopanelong ya Moya wo Mokgethwa, gomme le Kereke; Kereke, Leitšibulo, masea a go tswalwa leswa ao a amogetšego Kriste, gomme a tladišwe ka Moya wo Mokgethwa, a go etellwa pele ke Moya. A nke re sepele ka kopanelong ye, mmogo, go dikologa diathekele tša Modimo, re Mo direla ka kolobetšong, ka go obamela lehung la Gagwe, poloko, le tsoge. A nke re Mo direle ka go molao wa Gagwe, "Letang Jerusalema go fihla le hlamišwa ka Maatla go tšwa Godimo." A nke re Mo direle ka go phodišo Kgethwa, go rapelela balwetši. A nke re Mo direle ka go selallo, ka go ngwatha senkgwa, ka pelo e tee, kopanelo go dikologa Lentšu la Modimo. A nke re Mo direle ka go ka moka diathekele tše Kgethwa tša Gagwe, go fihla Naga e etla ponagalong. E fe, Morena. Ekwa thapelo ya rena, ge re e neela ka moka go Wena bjale, Leineng la Morena Jesu.

¹⁴⁴ Bjale ka dihlogo tša rena di inamišitšwe, ka go homola, ka go iketla, a re nong go opela kopelo ye. Bjale ye ke thapelo. Molaetša o fedile. Ga go yo motee a tlogago. E nong go homola. A re rapeleng.

¹⁴⁵ Molaetša ke go phošolla. Nagana godimo bjale se o se dirilego, se o swanetšego go be o se dirilego, se se go dirilego se o lego sona lehono. Seo se go dirago gore o ahlolwe, lehono, ke ka gore o dirile selo se sengwe maabane. Se tla ba eng bosasa? Se dire se loke lehono, gomme o tla ba yo a lokologilego bosasa. Le a bona? O swanetše go dira kgetho. O ka kgona go e dira bjang? "Ka tumelo, bjale ke tlemolla se sengwe le se sengwe. Ke a tlemolla bjale, gomme letšatši le lengwe ke ya godimo Kua."

Monateng pele le pele,
Re tla kopana go lela le lebots- . . .

E nong go rapela Morena ka moyeng wa lena bjale.

Monateng pele le pele,
Re tla kopana le Kereke yela e nyaditšwego.
(Go bothata go ya, eupša re tla kopana
letšatši le lengwe.)

Go Tatago rena motlalagohle godimo,
 Re tla neela mantšu a rena a tumišo,
 Bakeng sa mpho ya letago ya lerato la Gagwe,
 Le ditšhegofatšo tše kgethefatšago rena . . .

Le ba Morena ba ba nyaditšwego ba sego nene, ka tumelo, ke a kgetha.

Monateng (monateng) pele . . . (pele le pele)
 Re tla kopana lebopong le lebotse lela; (pele le
 pele)

Monateng (monateng) pele le pele,
 Re tla kopana lebopong le lebotse lela.

Fao go Naga ye . . .

E nong go Mo rapela. Ye ke thapelo.

. . . tumelo ke kgona go bona,

Ka tumelo ke dira kgetho ya ka.

Oo, Tate o letile . . .

¹⁴⁶ Ke bona ka moka ba Morena godimo Kua; Ngwanešu George, Ngwanešu Seward, ka moka bakgethwa.

. . . rena le lefelo la bodulo Kua. (Eye, Morena!)
 Monate . . .

¹⁴⁷ Tatagwe, Howard, Edward, ka moka bagwera ba kgale ba ba kgethwafaditšwego ba ba tšerego Tsela, morago godimo, nako ye telele ya go feta.

Monateng (Eye, Morena!) pele le pele (pele le
 pele),

Re tla kopana ka lebopong le lebotse lela.

Re tla opela ka go lela le lebots- . . . (O
 Modimo!)

Dipina tša melodi tša bašegofatšwa, (Letago go
 Modimo!)

. . . se sa nyama gape,

E sego mohemo wa ditšhegofatšo tša Lefelo
 lela la go khutša.

Monateng, monateng pele le . . . (pele le pele)

Re tla kopana ka go lela le lebotse- . . .



KA TUMELO, MOSHE NST58-0720M
(By Faith, Moses)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Julae 20, 1958, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho tlhathollo e ngwadilwe gomme ya phatlalatšwa ke Voice of God Recordings.

NORTH SOTHO

©2017 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org